



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 83. Tenor Brevis ejusdem, vi cujus Ministro Generali, & Commissario Generali Familiæ Ultra-Montanæ facultas conceditur erigendi Confraternitatem Chordæ in locis, ubi non est erecta à ...

[urn:nbn:de:hbz:466:1-64103](https://nbn-resolving.org/urn:nbn:de:hbz:466:1-64103)

Superscriptio.

*Venerabili Fratri Episcopo, Angelo-Polit.
& dilectis Filiis: Nostro, & Sedis
Apostolicae Nuntio in Regnis Hispaniarum residenti, ac Scholastico Ecclesia Salamant. & eorum cuilibet.*

CAPUT XX.

LXXXI. Sequuntur Clausulae Litterarum, summorum Pontificum, in favorem Confratrum S. P. N. FRANCISCI editarum; de quibus in priore Breve Ss. D. N. Innocentii XI. fit mentio. Et quae in eodem executioni mandari praecipiantur.

Imprimis continetur ibi Breve Pauli V. Nuper &c. in quo sancitur.

LXXXII. **D**E omnipotentis Dei misericordia, ac BB. Petri & Pauli Apostolorum ejus auctoritate confisi, omnibus utriusque sexus Fidelibus: qui in memoriam ejusdem S. Francisci, chordam benedictam ab ejusdem Ordinis Superioribus susceperint, & ad praedictam Archi-Confraternitatem admissi fuerint, Confratribus, & Confororibus, verè poenitentibus & confessis, ac sacra Communione refectis, qui praedictae Archi-Confraternitatis Ecclesiam, à primis Vesperis, usque ad Occasum Solis, ejusdem Festi seu Confraternitatis, singulis annis devotè visitaverint; ibique pro Christianorum Principum concordia, Hæresum extirpatione, & S. Matris Ecclesiae exaltatione, pias ad Deum preces fuderint. Etiam plenariam in mortis articulo, eisdem Confratribus & Confororibus, qui poenitentes, & confessi, ac S. Communione refecti; vel,

quatenus id facere nequiverint, saltem verè poenitentes, ore nomen JESU (si potuerint) vel corde, devotè invocaverint: omnium peccatorum suorum Indulgentiam & remissionem misericorditer in Domino concedimus. Nec non ipsis Fratribus & Confororibus (qui praedictae Archi-Confraternitatis Processioni singulis mensibus fieri solitè interfuerint) tres annos, & totidem Quadragenas; qui verò Officio B. M. Virginis ab ejusdem Archi-Confraternitatis Fratribus pro tempore celebrando, ac recitando, aut cuivis alteri Officio interfuerint; 500. dies. Insuper iisdem, qui Ss. Sacramentum (quando ad infirmos defertur) comitati fuerint; 5. annos, & totidem Quadragenas. Qui verè poenitentes & confessi, ac S. Communione refecti, aliquam ex Ecclesiis dicti Ordinis Minorum Conventualium, (in S. Francisci, S. Antonii à Padua; S. Bonaventurae, S. Ludovici Episcopi, S. Bernardini, & S. Clarae Festivitatibus) similiter à primis Vesperis, usque ad Occasum Solis Festivatum hujusmodi, singulis annis visitaverint; & oraverint, ut praefertur: quo die Festivatum hujusmodi id egerint, 7. annos, & totidem Quadragenas. Quoties verò corpora Defunctorum tam Confratrum, quam aliorum ad Sepulturam comitati fuerint, vel pauperi Personae in suis necessitatibus subvenerint, aut pacem inter inimicos composuerint; toties pro quolibet praedictorum operum 500. dies, de injunctis eis, seu aliis quomodolibet debitis Poenitentiis, in forma Ecclesiae consueta relaxamus. Insuper iisdem Confratribus, & Confororibus [ut supra praedictas Indulgentias, & gratias spirituales consequi, & illas animabus Defunctorum, per modum Suffragii, applicate possint] per praesentes concedimus & indulgemus, &c. Et infra:

LXXXIII. **C**Um autem ex concessione fel. record. Sixti Papa V. Praedecessoris

cessoris Nostri, dilectis Filiis, Ministro Gen. & Commissario Gen. Ordinis Fratrum Minorum de Observantia, in Ecclesiis sui Ordinis, videlicet: in quibus Ecclesiæ, vel Conventus FF. Conventualium non existerent, hujusmodi Confraternitatem Chordigerorum erigendi, & instituendi facultas impertita fuerit. Nos eidem Ministro Gen. & Commissario Gen. specialem gratiam facere, & Christi Fidelium spirituali consolationi prospicere volentes, de omnipotentis Dei misericordia, & B.B. Petri & Pauli Apostolorum ejus auctoritate confisi; eidem Ministro Generali & Commissario Gen. & eorum cuilibet: ut in Ecclesiis sui Ordinis tantum, ac in locis (in quibus non existant Conventus, vel Ecclesiæ Fratrum Conventualium, Confraternitates Chordigerorum S. Francisci, utriusque Sexûs erigere, & instituere; illisque sic erectis, & institutis, Indulgentias, & gratias spirituales supradictas communicare liberè & licitè possint, & valeant: servatâ tamen formâ, in prædictis Constitutionibus Sixti & Clementis traditâ; ut in præferto Brevis, pro Conventualibus expedito, Auctoritate Apostolicâ, (tenore præsentium) facultatem, & auctoritatem perpetuò duraturam concedimus, & impertimur, &c. Datum Romæ ad S. Marcum. Sub annulo piscatoris. 25. Septemb. 1607. Pontificatûs nostri anno tertio.

Secundò. Continetur aliud Breve *Gregorii XV.* incipiens; *Alias. &c.* Per quod conceduntur omnibus Chordigeris, omnes illæ Indulgentiæ, quæ antea à Sixto V. ipsis fuerant impertitæ; aliàs [inquit] à fel. record. Sixto Papa V. Prædecessore nostro emanârunt literæ tenoris sequentis.

LXXXIV. *Sixtus Episcopus, Servus Servorum Dei; ad perpetuam rei memoriam.* Ex supernæ dispositionis. &c. Et infra. De omnipotentis Dei Misericordia,
Vinea Seraphica.

ac B.B. Petri & Pauli Apostolorum ejus auctoritate confisi, omnibus, & singulis utriusque Sexûs Christi Fidelibus: qui verè pœnitentes, & confessi; ac prædictam Chordam, quæ priùs à Superioribus dicti Ordinis benedici debeat, ad Reverentiam, & memoriam ejusdem S. Francisci gerentes, & S. Communionem refecti, prædictam Confraternitatem ingredientur; primo die ingressûs; & in mortis articulo, nomen JESU ore, vel corde invocantibus (si etiam verè pœnitentes, & confessi fuerint) plenariam omnium peccatorum suorum Indulgentiam, & remissionem, &c. Et insuper eidem Confraternitati, ejusque Confratribus, omnes, & singulas Indulgentias, peccatorum remissiones, & relaxationes, Archi-Confraternitati Confalonis B. M. Virginis in Ecclesia S. Lucie de Urbe institutæ; nec non prædicto Ordini, ac illius Fratribus, & personis, quandocunque per Rom. Pontifices, Prædecessores nostros, ac etiam per Nos concessas, quo ad illas tantum (quæ hætenus revocatæ non fuerunt) motu proprio, & auctoritate, ac tenore similibus; etiam perpetuò concedimus, elargimur & communicamus. Datum Romæ apud S. Petrum Kalend. Octob. 1585. Pontificatûs nostri anno primo.

Prosequitur *Gregorius XV.* & paucis interpositis ait: Confraternitates Chordigerorum hujusmodi erigere, & instituere, illisque sic erectas, & institutas præfatæ Archi-Confraternitati, modo & formâ præmissis, aggregare, prædictasque Indulgentias illis, & earum Confratribus, liberè, & licitè valeant communicare; tenore præsentium concedimus, & indulgemus, ac facultatem tribuimus, & impertimur. Non obstantibus, &c. Datum Romæ apud S. Mariam Majorem sub annulo piscatoris. 27. Jun. 1622. Pontificatûs nostri anno secundo.

Tertiò. Apponitur ibi aliud ejusdem *Gregorii*